

Solat (Sembahyang)

Sambungan Qalam bilangan 201

Di akhir maqalah ini pada bulan yang lalu kami ada berjanji dengan para pembaca sekalian untuk menghuraikan tentang perselisihan pendapat para ulama ahli ijtihad mengenai hukum kafir atau tidaknya orang-orang Islam yang meninggalkan sembahyang lima waktu dengan sengaja. Di dalam maqalah yang lalu kami telah hidangkan beberapa hadith nabi yang menerangkan akan kafirnya orang-orang Islam yang meninggalkan sembahyang dengan sengaja itu. Ikutilah seterusnya hadith-hadith yang kami bentangkan di dalam maqalah ini mengenai hukum tidak kafirnya orang-orang Islam yang meninggalkan sembahyang dengan sengaja. – pengarang.

(Oleh: Haji Munawar Khalil)

Hadith yang ketiga belas:

“*An ‘Ubādah bin al-Şāmit rādīya Allahu ‘anhu qāla: Sami‘tu Rasulullah ṣallā Allāhu ‘alayhi wa sallam yaqūl: “Khamsa şalawāt iftarādḍuhunna Allah Ta‘ālā man ahsana wuḍū’uhunna waşalāhunna liwaqṭihunna waatammu rukū’uhunna wakhushū’uhunna kana lahu ‘ahdu Allah an yaghfirahu, wa man lam yaf’al falaysa lahu ‘ala Allah ‘ahdu an shā’ a ghafaralahu wa an shā’ a ‘adhabahu”*

Dan di lain riwayat:

“*Sami‘tu Rasulullah ṣallā Allāhu ‘alayhi wa sallam yaqūl: “Khamsa şalawāt katabhunna Allah ‘ala al-‘ibād, man atā bihinna lam yaqī‘u minhunna shay’ā istikhfāfā bihaqqihunna kāna lahu ‘inda Allah ‘ahdu an yadkhuluhu al-jannah, wa man lam ya‘ti bihinna falaysa lahu ‘inda Allah ‘ahdu an shā’ a ‘adhabahu wa an shā’ a ghafaralahu”*

Ertinya: “Dari ‘Ubādah bin al-Şāmit (R.A) ia berkata: Saya pernah mendengar Rasulullah (S.A.W) bersabda: “Lima sembahyang yang Allah telah memfardukan. Barangsiapa yang

memperbaguskan akan wuduk lima sembahyang itu, mengerjakan sembahyang itu dalam waktunya, menyempurnakan rukuknya dan khusuk dalam masa mengerjakannya, adalah baginya satu perjanjian kepada Allah, bahawa Ia mengampuni; dan barangsiapa yang tidak mengerjakan (sembahyang yang lima waktu itu), maka baginya tidak ada apa-apa perjanjian kepada Allah; jika Ia menghendaki, Ia mengampuni kepadanya; dan jika Ia menghendakinya, maka Ia menyiksanya”.

Dan di lain riwayat:

‘Ubādah berkata: Aku pernah mendengar Rasulullah (S.A.W) bersabda: “Lima sembahyang yang Allah telah mewajibkan ke atas hamba-hamba-Nya. Barangsiapa yang mengerjakannya dengan tidak menyia-nyia satu daripadanya, kerana meringankan hak sembahyang itu, adalah baginya satu perjanjian di sisi Allah, bahawa Ia akan memasukkannya ke syurga; dan barangsiapa yang tidak mengerjakannya, maka baginya tidak ada satu perjanjian apa-apa di sisi Allah. Jika

Allah menghendaki Ia menyiksa kepadanya, dan jika Ia menghendaki, maka diampuni baginya.”


Keterangan:

Hadith di atas riwayat pertama oleh Abu Dawud; dan riwayat kedua oleh Ahmad, An Nasā’i, dan Ibnu Majah. Juga diriwayatkan oleh Malik, Ibnu Hibban dan Ibnu Sakkan.

Tingkatan hadith tersebut ialah shahih thābit; tetapi olehnya dikatakan pula, bahawa di dalam asnadnya ada seorang yang dikenal dengan nama al-Mukhdaji, pada hal ia itu seorang perawi hadith yang *majhūl*, tidak diketahui melainkan di dalam hadith ini.

Hadith yang keempat belas:

“*An Abī Hurayrah rādīya Allahu ‘anhu qāla: Sami‘tu Rasulullah ṣallā Allāhu ‘alayhi wa sallam yaqūl: “An awwala mā yuḥāsibu bihi al-‘abdi yawmu al-qiyāmati al-ṣalāt al-maktūbah fainna atammuhā wa illā qīla: unzurū hal lahu min taṭawwu‘ Fainna kāna lahu taṭawwu‘ akmaltu al-farīdat*



Pentas yang berbentuk sebuah masjid telah dibina di tengah-tengah Stadium Merdeka Kuala Lumpur pada bulan Ramadhan yang lalu sebagai tempat Pertandingan Membaca al-Qur'an Peringkat Kebangsaan dan Antarabangsa bagi tahun 1386 H.

*min taqawwu'hu, thumma yaf'alu bisā'ir illā 'amāl
al-mafrūdat mithlu dhalik"*

Ertinya: Dari Abu Hurairah (R.A)

ia berkata: Saya pernah mendengar

Rasulullah (S.A.W) bersabda:

"Sesungguhnya permulaan apa yang akan dikira untuk seseorang hamba kelak pada Hari Kiamat, ialah sembahyang yang difardukan. Maka jika ia telah menyempurnakannya – tentulah disempurnakan sembahyang itu baginya – dan jika tidak dikatakanlah – kepada para penghitung amalan hamba – perhatikanlah olehmu adakah baginya sembahyang *taqawwu'* (sunat) ?" Jika baginya sembahyang sunat, maka disempurnakan sembahyang fardu daripada sembahyang sunatnya. Kemudian dikerjakan kesemua

amal perbuatan yang difardukan itu dengan demikian pula."

Keterangan:

Hadith di atas diriwayatkan oleh Abu Dawud dengan tidak dicela asnadnya yang bererti hadith itu Hasan An Nasā'i meriwayatkan dengan asnadnya yang baik dan *rijāl*nya sahih, sebagai yang dikatakan oleh al-'Iraqi dan dishahihkan oleh Ibnu Qatṭān.

Hadith yang kelima belas:

"*An 'Ubādah bin al-Šāmit qāla:
Qāla Rasulullah ṣallā Allāhu 'alayhi wa sallam:
"Man shahada an lā ilaha illā Allāh wa lā huwa
la sharīka lahu, wa anna muhammadā 'abdahu*

*warasūluhu, wa anna 'Isā 'abdullah
wakalimatuhu alqāha ilā Maryam warūhu minhu
wa al-jannata wa al-nāra haqqu udkhuluhu. Allāh 'alā
mā kāna min al-'amal."*

Ertinya: Dari 'Ubādah bin al-Samit (R.A) ia berkata: Rasulullah (S.A.W) pernah bersabda: "Barangsiapa yang menyaksikan (mengakui) bahawa tidak ada Tuhan melainkan Allah yang Esa, tidak ada yang menyengutui baginya, dan sesungguhnya Nabi Muhammad itu hamba-Nya dan rasul-Nya, dan sesungguhnya Nabi Isa itu hamba Allah dan kalimah-Nya yang dicampakkan kepada Maryam dan roh daripada-Nya; dan syurga itu benar, dan neraka itu benar, nescaya Allah memasukkannya ke dalam syurga atas apa yang telah diamalkan."(Hadith ini

sahih, diriwayatkan oleh al Bukhari, Muslim dan lain-lainnya).

Hadith yang keenam belas:

“*An Anas bin Mālik anna al-nabiyu ṣallā Allāhu ‘alayhi wa sallam qāla wa Mu‘ādh radīfahu ‘ala al-rihāl: “Ya Mu‘ādh!”.*

Qāla: *Labbayka yā Rasūl Allāh wa sa‘dīyuka thalāthā: Thumma qāla: “Mā min ‘abdi yashhadu an lā ilāha illā Allāh wa anna muḥammadā ‘abdūhu wa rasūluhu illā haramuhu Allāhu ‘alā al-nār”.*

Qāla: *Yā Rasūl Allāh! Afalā akhbarubihā al-nās fayastabshiru? Qala: “idhan yatakullu” Faakhibarubiha Mu‘ādh ‘inda mautuhu tāthima – ayyu khawfā”.*

Ertinya: Dari Anas bin Malik (R.A), bahwasanya Nabi (S.A.W) bersabda - padahal Muaz duduk menunggang tunggangan di belakangnya di dalam perjalanan – “Wahai Muaz!”. Muaz menyahut:

Sungguh saya siap sedia wahai Rasulullah!, Dan saya siap sedia patuh terhadap seruanmu! – tiga kali. Kemudian baginda bersabda: “Tidak seseorang hamba yang menyaksikan bahawa tidak ada Tuhan melainkan Allah dan sesungguhnya Nabi Muhammad itu hamba-Nya dan pesuruh-Nya; melainkan Allah mengharamkan akan dia daripada api neraka.” kata Muaz: Wahai Rasulullah! Adakah tidak lebih baik

saya khabarkan tentang perkara itu kepada manusia, sampai mereka gembira? Baginda bersabda: “Jika demikian mereka akan berserah diri sahaja”. Kemudian Muaz mengkhabarkan perkara itu ketika ia akan mati kerana takut daripada berdosa. Tegasnya kerana takut terhadap dosa lantaran meninggalkan berita itu dari kata pesanan Nabi. (Hadith ini shahih, diriwayatkan oleh al Bukhari dan Muslim).

Hadith yang ketujuh belas:

“*An Abī Hurayrah qāla: Qāla likulli nabi dakwah mustajābah, fata‘jilu rasūl Allāh ṣallā Allāhu ‘alayhi wa sallam kullu nabi da‘watuhu, inni ikhtibāti da‘waṭi, syafā‘ati liummāti yawmi al-qiyāmati, fahiya nā‘ilati in shā Allāh man māta min ummati la yushriku bi Allāhi shay‘ā”.*

Ertinya: Dari Abu Hurairah (R.A) ia berkata: Rasulullah (S.A.W) pernah bersabda: “Bagi tiap-tiap seorang nabi itu doa (permohonan) yang mustajab. Maka tergesa-gesa tiap-tiap nabi memohon doanya (agar dilaksanakan Allah dengan segera); dan sesungguhnya aku menyimpan doaku untuk syafaat bagi sekalian umatku kelak pada hari Kiamat; maka syafaat itu akan diperoleh – *in shā-Allāh* – oleh barangsiapa yang mati daripada umatku yang tidak menyekutukan Allah dengan sesuatu”. (Hadith ini shahih, diriwayatkan oleh Muslim).

Hadith yang kelapan belas:

“*Wa ‘anhu aydī anna nabiyu ṣallā Allāhu ‘alayhi wa sallam qāla: “as‘adu al-nās bishfā‘ati man qāla lā ilāha illā Allāh khāliṣā min qalbihi”.*

Ertinya: Daripada Abu Hurairah (R.A) juga, bahwasanya Nabi (S.A.W) pernah bersabda: “Manusia yang paling berbahagia menerima syafaatku ialah orang yang mengatakan: “Tidak ada Tuhan melainkan Allah dengan bersih – tulus ikhlas – daripada hatinya.” (Hadith ini shahih, diriwayatkan oleh al Bukhari).

Kandungan hadith-hadith yang lalu:

Hadith nombor 13 antara lain mengandungi keterangan bahawa orang-orang Islam yang meninggalkan sembahyang yang lima waktu itu tidak kufur. Jika Allah menghendaki menyiksanya, maka ia akan diseksa, dan jika Allah menghendaki mengampuninya, maka ia akan diampuni-Nya.

Hadith nombor 14 antara lain mengandungi keterangan, bahawa kekurangan yang mengenai amal-amal yang difardukan itu, akan disempurnakan oleh amalan-amalan *tatawwu‘* (sunat). Dengan demikian dapat ditegaskan bahawa orang-orang yang meninggalkan sembahyang yang difardukan itu tidak menjadikan mereka kufur.

Hadith nombor 15 mengandungi keterangan, bahawa orang-orang yang telah mengakui atau mempercayai adanya Allah, tidak menyukutukan-Nya dengan sesuatu, Nabi Muhammad itu hamba dan Rasul-Nya begitu pula Nabi Isa itu hamba dan rasul-Nya dan mempercayai adanya syurga dan neraka, nescaya Allah memberi jaminan akan memasukkan mereka ke dalam syurga atas dasar yang mereka kerjakan dari amal ibadat, atau segala amal perbuatan yang telah mereka lakukan, sekalipun amal-amal yang telah mereka kerjakan itu masih jauh daripada apa yang dikatakan sempurna.

Hadith nombor 16 antara lain mengandungi keterangan, bahawa orang-orang yang mempercayai dengan sepenuh hatinya, bahawa tidak ada Tuhan melainkan Allah dan mempercayai bahawa Nabi Muhammad itu hamba dan Pesuruh Allah, maka jasadnya diharamkan oleh Allah daripada dimakan oleh api neraka. Tegasnya bahawa

mereka akan diselamatkan daripada seksaan neraka di hari Akhirat kelak.

Hadith nombor 17 pula mengandungi keterangan, bahawa orang yang mati, pada hal ianya tidak menyekutukan Allah dengan sesuatu, maka ia kelak akan memperolehi syafaat dari Nabi (S.A.W) jika dengan kehendak dan izin daripada Allah *Subḥānahu wa Ta'ālā*.

Hadith nombor 18 mengandungi keterangan, bahawa orang-orang yang mengucapkan pengakuan dengan lidah dan hatinya, bahawa tidak ada Tuhan melainkan Allah dengan *qasad* dan niat yang tulus ikhlas, nescaya mereka akan memperolehi syafaat dari Nabi (S.A.W) di hari Kiamat kelak.

Pendapat dan Penjelasan Dari

Para Ulama Ahli Fikah:

Para ulama ahli fikah dalam perkara membahas tentang hukum orang-orang yang meninggalkan sembahyang lima waktu dengan sengaja itu adalah berselisih faham dan bersalahan pendapat di antara satu sama lain.

Sebahagian daripada mereka ada yang menetapkan hukuman, bahawa orang-orang yang meninggalkan sembahyang lima waktu dengan sengaja itu adalah kufur (terkeluar dari agama Islam); dan sebahagian yang lain pula menghukumkan bahawa orang-orang yang sengaja meninggalkan sembahyang lima waktu itu tidak kufur melainkan ia dianggap sebagai seorang Islam yang fasik sahaja.

Abu Hanīfah dan segolongan daripada para ulama Kufah dan al-Muzani (seorang alim sahabat dari Imam



Dalam masa kunjungan mereka ke Mesir rombongan qari dan qariah Malaysia telah diraikan oleh Saiyidah Ummu Kalsum biduwanita Mesir yang termasyhur dengan suara emasnya itu.

Shāfi'ī) menetapkan, bahawa orang-orang yang meninggalkan sembahyang fardu yang lima itu tidak dapat dikufurkan, tidak boleh dihukum bunuh, hanya dihukum penjara sahaja sehingga ia kembali mengerjakan sembahyang.

Imam Mālik, al-Shāfi'ī dan sekalian para ulama *Ahlu al-Bayt* berpendapat dan menetapkan, bahawa orang-orang yang meninggalkan sembahyang fardu dengan sengaja itu tidak kufur, tetapi fasik sahaja, walaupun mereka wajib dihukum bunuh, jika mereka tidak mahu bertaubat; tetapi harus mereka dibunuh dengan pedang.

Imam Ahmad bin Ḥanbal, Abdullah bin Mubarak, Ishaq bin Rahwayh dan segolongan kecil dari ulama-ulama Shāfi'īyah berpendapat dan menetapkan, bahawa orang-orang yang meninggalkan sembahyang

lima waktu dengan sengaja itu hukumannya adalah kufur, dan di atas mereka dilakukan seperti hukuman orang yang murtad (berpaling daripada agama Islam).

Dalam bilangan jumlah kalam yang akan datang akan kami bentangkan pula pendapat-pendapat dari para ulama yang menghukumkan kufur di atas orang Islam yang meninggalkan sembahyang fardu lima waktu dengan sengaja, disertakan dengan dalil-dalil dan hujah-hujah mereka. *In shā-Allāh*.

Kata-kata hikmah

Perkataan itu seperti ubat, jika engkau gunakan sedikit ia akan menyembuhkan, dan jika engkau gunakan banyak, akan membahayakan.